

يعقوبك قرنداشی یوحنایه دخی بوانرجس یعنی رعد اوغللری دیو
 ۱۸ لقب قودی ❖ و (بونلرایله) اندراوسی و فلبوسی و برتولآوسی
 و متی و تومای و خلفا اوغلی یعقوبی و طاداوسی و قانونی
 ۱۹ سمعونی ❖ وانیاله ویرن اسخریوط یهودایی دخی (تعین ایلدی)
 ۲۰ ایمدی بونلراوه کلوبینه خلق شوبله جمع اولدیکه اتمک یملری
 ۲۱ ییله ممکن دکل ایدی ❖ و انک اقرباسی خبردار اولغله انی طومغه
 ۲۲ چیقیدیلر . زیرا عقلنی قاچرمشدر دیدیلر ❖ و اورشلیمدن کلان کاتبلر
 بعزبول انده وارو جنلرک رئیس ایلله جنلری طرد ایدیور دیدیلر
 ۲۳ ❖ اولدخی انلری یانه چاغروب تمشیللر ایلله انلره (سویلیه رک) شیطان
 ۲۴ شیطانی نیجه طرد ایده ییلور ❖ و اگر بر مملکت کندی علیهنه اختلاف
 ۲۵ اوزره بولنور ایسه او مملکت باقی قالمهز ❖ و اگر بر خانه کندی
 ۲۶ علیهنه اختلاف اوزره بولنور ایسه اول خانه باقی قالمهز ❖ و اگر
 شیطان کندی علیهنه قالقوب اختلاف اوزره بولنور ایسه باقی قالمغه
 ۲۷ قادر اوله میوب صوکی کلمشدر ❖ قوتلور بر ادمک اوینه کیروب اشیا سنی
 یغما ایتمکله برکسه قادر اوله مز مکر اول قوتلور ادمی اول باغلا یوب
 ۲۸ بعده انک اوینی یغما ایده ❖ حقا سره دیرمکه جمع کاهلر ایلله باجمله
 ۲۹ سویلدکلری کفرلی بنی ادمه عفو اولنور ❖ اما هرکیم روح القدسک
 حقنه کفر سویلرسه بونک ابدی عفو اولوب انجیق ابدی عذابه
 ۳۰ مستحق اولور دیدی ❖ چونکه (انک حقنه) ناپاک روحی وار در
 ۳۱ دیورلر ایدی ❖ ایمدی انک قرنداشلیله والدهسی کلوب و خارجه ده
 ۳۲ دوروب انی چاغرمغه کونردیلر ❖ خلق دخی انک اطرافنده او طورلر
 ایکن بعضبسی اکا اشتیه والدهک ایلله قرنداشلرک خارجه ده اولوب
 ۳۳ سنی استیورلر دیدیلر ❖ او ایسه انلره جواب ویروب والدهم کیم